

## 2 SAN JUAN AAME

---

### **Cristo Jiibogofaño Mihica.**

<sup>1</sup>Uujoho quillahutoobo iicaabo caatinihi jihaameque monagoti Moocaani ificuuquedi, tolliro bu iseemeque uujoho miyaano agaijimeedi. Saafiuro uujoho icatino, bu paryi oono miyaanoco agaajacumo icano.

<sup>2</sup>Jaabo uujoho amiihaico gaijihi miyaano mojeebiifaño iicanofeenedi. Jaano fahiijivaro miihaima iicajino. <sup>3</sup>Jaabo Moocaani, bu Illi Aivojiiibo Jesucristo icamisi amiihaico imino mooniji, bu idaasugueji, bu sajeebii icaco aciji icano miyaanofañodi, bu gaijifañodi icano.

<sup>4</sup>Uujoho aivo imo imo icahi diseemeti saatoho miyanotiro Moocaani miihaico atajiibabadi imino iigomoco aatyimeneri. <sup>5</sup>Jaanequi tañago, jisumi masii sabadiro magaijicasiqui. Jino ico onono bohono tajiiba icatino, iticonitiro toonoma mihicacuunoco neehi: <sup>6</sup>Miuro Moocaani atajiibabadi mihicano toono gaijama mihicano. Jaano toono tajiiba iticonitiro muguubucuuno, gaijicasifaño mihica, onono.

### **Bañiminaa.**

<sup>7</sup>Miuro jino jiiijehalliri sihidi icamo bañiiraminaa, Jesucristo jiiijehallivi miya miyaminaafibadi asaauboco utuunamaaimo. Tolli iicaabo, jilli bañiminaafi, Cristominaaniminaafi iicaabo. <sup>8</sup>Jaanequi amiihai imino mehesicini amiihai dudicamaajeti mihicicuunoco mimitasudino. Jaamo ufucu ijaadaco paryi magaayiciji.

<sup>9</sup>Jaanoti saatoho Cristo jiiibugunoco ejeevesumoro sihigovi iminifotomo, bu Moocaaniti buhigovi minifetehi. Jaanoti Cristo jiibogofaño mihicahachiji Moocaanima mihicahi, bu tolliro Illima mihicahi icano. <sup>10</sup>Jaanequiiha saatoho jiibogominaa amiihaijaago agasevamoro Cristo jiibogoma ofootimoco amiihai iijafaño magaayicidino, bu: Tahi imino difoo, meneedino icano. <sup>11</sup>Miuro diitoco ifitacumo diito imitifaño bu minifetefihi.

### **Niino Iimaa.**

<sup>12</sup>Sihidi amiihaico eneejiruno icarahi. Jaarunaa imogotihii aamefeenedi, acaatininoco. Cusumihacho feeji amiihaima faño mihiimaacasiqii. Jaaneri mohimohica imino ijusiqui.

<sup>13</sup>Moocaani iicicugo, dinago seeme dijaa iijico galluuhi.